

SOLEMNIA NVPTIARVM
SERENISSIMI PRINCIPIS AC DOMINI
DOMINI *Joh. Ern. jun. fil.*

ERNESTI AVGVSTI *Weim.*

SAXONIAE IVLIACI CLEVIAE ET MONTIVM AN
GRIAE QVOQVE ET VESTPHALIAE DVCIS LANDGRAVII THV
RINGIAE MARCHIONIS MISNIAE PRINCIPIS COMITIS HENNFBERGENSIS
COMITIS MARCAE ET RAVENSBERGAE DYNASTAE
RAVENSTEINII

AVGVSTISSIMI IMPERATORIS VNIVERSI
EQVITAVS DVCIS

NEC NON
DVARVM COHORTIVM EQVEST. ET PEDESTR. PRAEFECTI
CVM SERENISSIMA PRINCIPE AC
DOMINA DOMINA

SOPHIA CARLOTTA
ALBERTINA

MARGGRAVIA BRANDENBVRGICA BORVSS.
MAGDEBVRG. STETIN. POMERAN. CASSVB. VANDAL. MEGA
POLIT. VT ET IN SILESIA CROSSENS. DVCE BVRGGRAVIA NORIMBERG.
PRINCIPE HALBERSTAD. MINDENS. CAMIN. VANDALOR. SVRINEN.
ET RAZEB. COMITE HOHENZOLLER. ET SVRIN. TERRAR. RO
STOCH. ET STARGARD. DOMINA

PATRIS PATRIAE NOSTRI CLEMEN
TISSIMI PRINCIPE FILIA NATV MEDIA

A. D. VII. IDVS APRILIS IN HAC VRBE FELICISSIME CELEBRATA
PLAVSV VOTIVO PROSEQVETVR
ILLVSTRE COLLEGIVM

CHRISTIAN-ERNESTINVM

A. D. XVII. KALEND. MAII. cl. lo CCXXXIV.

QVAM CELEBRITATEM

PATRES CONSCRIPTI PATRONI FAVTORES ATQVE AMICI
VT FREQVENTI CONSESSV ORNENT

PEROBSERVANTER ATQVE HVMANITER ROGAT

GERMANNVS AVGVSTVS ELLROD
ELOQVENS. PROF. PVBL.

BARVTHI LITERIS SCHIRMERIANIS.



R

Erum humanarum custodiam, cum DEus summis gubernatoribus commendaerit; qui tantum inter homines munus sustinet, veluti in excubiis est, ut verae omnium felicitati prospiciatur, periculo subtrahatur publica res, leges audacia & petulantia oppressae vindicentur, purioris doctrinae bonorumque morum ratio habeatur, iniustae denique ac rabiosae hostium cupiditates frenentur. Neque quisquam melius & gloriosius summorum imperantium de humano genere mereri potest, quam si pro omnibus uigilando cunctis inserviat, nec sibi; sed suorum in custodiam natum se putet. Nulli clarissimorum imperatorum triumphum, nullae urbium spectatissimarum occupationes, nullae finium atque regionum amplificationes plus verae laudis habent, quam ista uigilantia, ista cura, ista prouidentia. Praeclare Aristoteles, magistratum, inquit, esse legis custodem: nos prorogando illius terminos, custodem ciuilis societatis principem dicemus, eaque descriptione omnia, quam late pateant, eius officia complectemur. Male profecto sibi consuluisse humana indigentia, si translata in aliquem suprema potestate, plus demtum sibi uidisset, quam datum, idque iuris, quo primum gaudebat societas, in sui detrimentum tribuisset. Nullum contra maius, nullum illustrius beneficium, a DEO immortali uel habere, uel exoptare possent mortales, quam quod unius, eiusdemque sapientissimi, reliqui curae subsint, unus excubias agat, unus omnium rebus studeat. Subtraclis his uigiliis, nihil esset reliquum quod maiestatem ornaret, nisi impotens dominatio, & seruilis prope singulorum demissio. Sint alias magni & laudati principes; sint gubernatores domesticis excellentes prudentia; sint bellicosi, artiumque militarium callentissimi; sed multo essent illi ipsi maiores, si instructa domo, parta uictoria, curarent publicae & privatae cuiusque rei ut bene sit. Id enim inprimis efficere bonus princeps debet: quemadmodum bonus paterfamilias non tantum cogere liberis patrimonium tenetur, sed integritatem mentis ac corporis procurare, mores eorum regere, ingenia expolire, pericula declinare, & si quid praeterea e re eorum esse arbitretur, adhibere. Sicut autem pauci patres familias in summo hoc opere, uti par est, elaborant: Ita & mira horum est raritas, qui tanta uigilantia in administrando im-

imperio utuntur. Agamemnonem solum uigilantem facit Homerus, (*) ceteris dormientibus, & idem (**) Ioui tribuit, quod, tum reliquos omnes & diuos & homines pernox somnus teneret unus Saturnius inuolans curas peffiore follicito uoluerit: multi autem optimatum, reliquis in suam utilitatem uigilantibus, securi quasi dormiunt. Aeneam suum Maro cogitabundum fingit ac sobrium, & de futuris agitantem animo; reliquis dormientibus, aut uigilantem facit, aut excitat. Vult enim, ut graeco Iliados auctori in prouerbio est, non decere principem solidam noctem dormire. (***) O felix ciuitas! cui princeps praest, ad morem Epaminondae comparatus, qui Thebanorum Dux, cum ciues festis quibusdam diebus solutius comotationibus indulgerent, licentiusque fruenter uoluptatibus, solus uigil ac sobrius arma lustrabat, & urbis moenia circumibat; rogatus uero cur id faceret, sobrium esse se ac uigilare respondit, quo reliquis liceret dormire. (****) Hac summorum imperantium uigilantia, si ullo unquam tempore opus fuit, nunc profecto, in tanto hoc orbis terrarum disfidio, inter tot gentium discordias, ea indigere uidemur. Idque declarauit praeterlapso demum anno Serenissimus Princeps ac Dominus Dominus ERNESTVS AVGVSTVS, Dux Saxoniac cet. cet. dum in exemplum aliorum regum atque principum, ordinem ut uocant, eumque a uigilantia dictum, excogitauit, excogitatum fundauit, fundatum Caesarea auctoritate firmauit, & qua fieri solet, caerimoniarum pompa introduxit. (*****) Iste symbolum fert: *Vigilando ascendimus*. Quo quidem indicat Serenissimus fundator, uelle se cum omnibus bonis non solum principis dignitatem imperando, populumque regendo tueri; uerum etiam indefesso studio, cura, sollicitudine orbis terrarum saluti prospicere, suorumque custodiam, anxiam licet atque molestam, in se suscipere. Quare iussit, ut qui ad hunc ordinem uelint referri, praeter sincerum DEI cultum, adstrictam Caesari fidem religiose seruent, Germanorumque aquilam, inter quacuis pericula, ubique sequerentur. Quamquam uero normam aliis praescribere, & salutaribus praecceptis aliorum animos imbuiere, quam praestare quae docuimus, uitamque ad leges nostras adtemperare facilius est; tamen auctor tam illustris, tam splendidae, tam gloriose societatis ipse religiosissime ordinis sui regulis satisfecit. Quem enim publicarum calamitatum, inprimis praesentis belli rationes, quae unum pene his temporibus & solemne familiaris consuetudinis argumentum sunt, adeo fugiunt, ut ignoret, quanta subsidia, quot copias Saxones Imperatori atque imperio miserint. Inprimis Serenissimus ERNESTVS AVGVSTVS, & conscripto egregio milite, & reliquis omnibus comparatis, quibus fidem liberare posset, ita rei consuluit publicae, ita labentibus rebus manum suppositi, ut nihil potius istis curare uideretur. Neque tantum in rebus bellicis uigilantem se praebuit ac prouidentem; uerum otium ab his ita etiam impendit, ut tercia & ardua ageret & principibus uiris digna. Et quod illustrius ac spectabilius est uigilantiae documentum, quam quod in ipso felicissime contracto matrimonio effulget? Namque, qua potissimum re populi eius exhilarantur, tantam spem ab eo euentu recipiunt sui, ut ab hac copulagentem nouarum opportunitatum pendere cumulum firmiter sibi persuadeant. Quid enim optatius Viniariensibus euenire posset, quam EAM excipere atque uenerari sub tectis suis, ex qua prodire aliquando conspiciunt eum, sub cuius umbra atque praesidio quiescant, qui solum autum occupet, ciuiumque desideria expleat. Publica hoc diu fuit expectatio, & piorum uotorum argumentum. Atque hoc quidem

(*) *Iliad. L. II.*

(**) *l. c.*

(***) *Erasmi Adag. epist. p. m. 872.*

(****) *Plutarchus in libro a Aesius duces imperit.*

(*****) *Iusum eius descript. vid. im Cabinet grosser Serrenp. 799.*

dem erat adhuc etiam in urbe nostra communis dicendi materia, nuptam esse tanto heroi SOPHIAM CARLOTTAM ALBERTINAM, egregiam principem, & forma, & modestia, & pudicitia admirabilem, & supra eloquentissimorum laudem positam. Fuit & est una fere congratantium uox, & laetitia non illustrium solum domos, mentesque clarissimorum uirorum peruagata est; uerum etiam ad tuguria pauperum, ad tenebricosas popinas, casaque colonorum penetrauit. Obliti hi pene sunt, prae gaudiorum amplitudine, functi belli clamoris, coeci quae illius metus, quo abrepti, in ancipiti fortuna belli animos cogitationesque habebant defixos. Videbantur nactus esse ueluti auerruncum impendentium calamitatum. Et quae mira iudicantium de re tanta fuit consensus? Neque enim optimates effugiunt gnauissimorum etiam tenebrionum iudicia. Nam & in foro ardeliones, in porticibus, in coenis, tanquam in concilio Amphictyonio de rebus principum perorant, & quae ad omnes pertinent, laudant pro capto atque extollunt. Hic autem tanta conspiratio, tam mirificus se prodit adplaudentium consensus, ut a lautioribus usque ad faecem populi nemo sit quem non recreet tanti coniugii faustitas, qui non celebret coniunctorum felicitatem. Mihi uero non exponere nunc lubet harum rerum magnitudinem, sed qui exposituri sint indicare. Partes nimirum gratulantium imponi sibi passi sunt, tres Collegii nostri ciues, ingenio, modestia, pulcrisque profectibus ornati:

GOTTLOBIVS VILELMVS ROESLER Baruthi-
nus,
THEOPHILVS CHRISTIANVS HANNIBAL
CRAMER Vonfideliensis,
VOLFGANGVS LVDOVICVS GRAEFENHAN
Vilmersdorffa-Francus,

quorum primus, *de commodis ex illustrium cognationibus ad salutem publicam tempore belli redundantibus* latine; alter *de ordine, quem uocant, uigilantiae, in coniugio Serenissimi fundatoris felicissime adplicato*; sermone patrio uerba faciet; *ultimus felicitia quae uis carmine uernaculo precabitur*. Superest, ut formula nobis solemnium uos adloquar, Maecenates, patroni, fautores, ciuesque litterati cuiuscunque ordinis, uelitis, si per tempus & uestra negotia licet, excitare pietatem nostram, & sacra piaque uota nobiscum conferre. P. P.

Dom. Iudica 1715 CCXXXIV.



SOLEMNIA NVPTIARVM
SERENISSIMI PRINCIPIS AC DOMINI
DOMINI

ERNESTI AVGVSTI

SAXONIAE IVLIACI CLEVIAE ET MONTIVM AN
GRIAE QVOQVE ET VESTPHALIAE DVCS LANDGRAVII THV
RINGIAE MARCHIONIS MISNIAE PRINCIPIS COMITIS HENNEBERGENSIS
COMITIS MARCAE ET RAVENSBERGAE DYNASTAE
RAVENSTEINII

AVGVSTISSIMI IMPERATORIS VNIVERSI
EQVITATVS DVCS

NEC NON

MORTIVM EQVEST. ET PEDESTR. PRAEFECTI
SERENISSIMA PRINCIPE AC
DOMINA DOMINA

HA CARLOTTA
ALBERTINA

VIA BRANDENBVRGICA BORVSS.
STETIN. POMERAN. CASSVB. VANDAL. MEGA
LESIA CROSSENS. DVCE BVRGGRAVIA NORIMBERG.
RSTAD. MINDENS. CAMIN. VANDALOR. SVERINEN.
OMITE HOHENZOLLER. ET SVERIN. TERRAR. RO
STOCH. ET STARGARD. DOMINA

PATRIAE NOSTRI CLEMEN
I PRINCIPE FILIA NATV MEDIA

APRILIS IN HAC VRBE FELICISSIME CELEBRATA
LAVSV VOTIVO PROSEQVETVR
LVSTRE COLLEGIVM

TIAN-ERNESTINVM

A. D. XVII. KALEND. MAII. cl5b CCXXXIV.

QVAM CELEBRITATEM
SCRIPTI PATRONI FAVTORES ATQVE AMICI
VT FREQVENTI CONCESSV ORNENT
SERVANTER ATQVE HVMANITER ROGAT

ANNVS AVGVSTVS ELLROD
ELOQVENT. PROF. PVBL.

BARVTHI LITERIS SCHIRMERIANIS.

